

در سعادتده یکی پوسته خانه فارشونده
داوۀ مخصوصه در

محل اراره :

مستطابق

۱۳۲۶

دین، فلسفه، ادبیات، حقوق و علوم دین باحث هفته لق رساله در

مسکونه موافق آثار جدیدیه مع المنونیه قبول اولور
درج ایدیلیم آثار اعاده اولماز

طراحی :

مؤسسه لری : ابوالعلا زین العابدین - ح. اشرف ادیب

تاریخ تأسیسی :
۱۱ نموز ۳۲۴

در سعادتده	سنه لکی	القی ایلغی
ولایتده	۶۵	۳۵
ممالک اجنبیه ده	۹۰	۵۰
	۱۰۰	۵۵ غروشدره

در سعادتده نسخه سی ۵۰ پاره در
قیریلنه دن مقوا بورو ایله کوندریلیرسه سنوی
۲۰ غروش فضله آلدیر.
در سعادتده پوسته ایله کوندریلیرسه ولایات بدلی اخذ اولنور.

عدد : ۲

۲۲۶ شعبان ۷ پنجشنبه ۲۱ اغستوس ۳۲۴

برنجی سنه

حکمت حقوق اسلامیه

مقرری : مجلس معارف رهبری حیدر افندی مرحوم
محرری : سلاطین مکتب حقوق معلمان عدل بک

— مابعد —

ابتنا حسی و عقلی اولیوردی، معقولانک ابتدائی ایسه عقلی اولور.
بناء علیه اصلک دلیل معنایه قولالانسی بو ابتناء عقلی حیثیتیه لفظی
بشقهجه دلیل معنایه نقل ایتکدن بزی مستغنی قیلار.
شوحالده اصول فقه دینک : فقهک دلیللری، فقهه مخصوص
دلیللر دینک اولور.

مضاف الیه اولان فقهک تعریفنه کلنجه : « فقه » لغته بر شیء
آ کلامغه دینور. فقط بو آ کلامق، بیلک، عامیانه دکل، بلکه فطنتله
بیلک و آ کلامق مقصوددر. فقهک بر بویه معنای عمومی وار،
برده معنای اصولی و خصوصیتی وار. بومعنای اصطلاحیه و امام
اعظم حضرتلرندن منقول اولان بر تعریفه کوره :

فقه — نفس انسانی نك من جهة العمل لهنده وعلینده بولنان
شیلری بیلسی در [والفقه معرفة النفس مالها وما علیها عملا] یعنی انسانک
عمل جهتیله کنندینک متتبع ویا متضرر اولدینی هر شینک حکمی تصدیق
واذعان ایتسنه « فقه » دیرلر. و بو صورتله بیان و آ کلایان آدمهده
« فقه » دینلور.

فقط عند الشافعیه فقه : احکام شرعییه ادله تفصیلیه سندن
بیلکدر. بونلرک هرایکیمی نتیجه اعتباریه بردر. اونلر اولیه
تعریف ایتشلر.

نفس انسانی نك لهنده وعلینده اولان شیلردن مقصد، حکملردر.
وبوراده کی بیلک دخی عامیانه بر بیلک دکلدر. بلکه حاصل ایدرک
بیلکدر. تعبیر دیگرله بوراده کی معرفتدن مقصد، جزئیاتی دینلندن
ادراک ایتکدر. یعنی تتبع قواعد نتیجه سی اولهرق بلکه حاصل
اولمقددر. شوحالده فقه دیه : نفس انسانی نك لهنده وعلینده اولان
شیلر حقنده بلکه اکتساب ایتسنه دینور. واقعا بر کیسه لهنده
وعلینده اولان احکامک کافه سی بیه من، بو عاداتا متمتعدر. فقط
بوامتناع، جزئیاتی دینلندن ادراک ایتک، بویولده کی قوه استنباطه
مانع دکلدر. بوضورتله، مقلد اولان یعنی ادله دن استنباط احکام
ملکه سنی حائز اولمیان کیسه لره فقه دینه من. زیرا فقه قواعدی صرة
بعد اخری تطبیق و تعقیب ایدرک ملکه کسب ایدن کیسه در. مقلدینک
دلیل ایسه قول مجتهدین در.

برده « بیلک » مراد فی اولان معرفتدن مقصود بلکه، بالاجماع
فقه اولان بر ذاتک بعض احکامی بیلماسنه منافی دکلدر. امام مالک
رحه اه تعالی دن قرق مسئله سؤال ایدلشده اوتوز ایتسنده [لادری]
جوابی ویرمش.

فقهک تعریفنده برده (نفس انسانی نك) دنیایور. بو تعبیر ایله
علم الهی و معرفت جبریل معرفتدن خارج قالور. زیرا پیغمبر من

افند من حضرتلرینک بیلسی قواعدی صرة بعد اخری تطبیق ایدرک
ملکه کسب ایتکله دکلدر. بلکه الهام صورتیه بو علمی قزانمشدر.
کذاک ادله دن استنباط احکام ملکه سنی حائز اولمیان مقلدلرک علمی ده
معرفتدن خارجدر. زیرا مجتهدین عظام حضرتانک دلیلی کتاب،
سنت، اجماع امت، قیاس فقهادن عبارت اولدینی حالده مقلدینک
دلیلی قول مجتهدین در. واقعا زمانعزده کی علمیه، شمدیکی فقه ایله توغل
ایدنلره « فقه » دنیایورسه ده بو اطلاق، مجزأدر، بونلرک فقه ایله
اشتغال ایتلری حیثیتیه در. ایتنه بوسببه بناء درکه بر کیسه (فلان
ملکه ده کی فقهیه شو قدر مال وصیت ایتدم) دیسه بو وصیتی انفاذ
اولیور. شوحالده صورت مطلقه و عمومی ده « فقه » ارباب اجتهاد ایله
اصول فقهدن استنباط احکام ایدیه بیلن علمادر.

فقهک تعریفنده کی (من جهة العمل) قیدیه ده علم کلام و علم
اخلاق تعریفدن خارج قالور.

یوقاریدهده سوبلشدک. بز علم اصول فقهی علمیت اعتباریه تعریف
ایدیوروز. یعنی اصول فقه برده لقب اولهرق، علم اولهرق کلیور.
لقب ده ذاتاً علمک بر قسمی در. یعنی مدحی و یا خود ذمی مشعر اولان
اعلامک بر قسمیه لقب دینلور. (اصول فقه) لقبی ایسه مدحی
مشعردر. چونکه فقهک مناسی در. فقه ایسه موجب سعادت دینیه
ودنیویه در. مثلاً (بوالزمزم) بر حریفک لقبی در، و ذمی مشعردر.
بعضاده بر اسم اب و یا بن ایله مصدر اولور که بوده (کنیه) در :
ابن سینا، ابوالشیر، ابن الرشید کی...

اصول فقهده بو علمک لقبی در و مدحی مشعردر. و مرکب اضافیدن
منقول اولهرق بو علم جلیله علم اولمشدر. چونکه یالکز (فقهک
دلیللری) دینک کافی اولیور. زیرا بونده احکام واجتهاده تعلق ایدن
مسائل ده وار. بناء علیه علما بونی مرکب اضافیدن منای علمی به نقل
ایتدیلر. و اصول فقهی بو علمک علمی، لقبی اولمق اوزره وضع ایلدیلر.

معلومدر که مسائل فقهیه، ادله معینه مستنددر. یعنی بومسائل
دلیللردن استنباط اولنور. بو استنباطه تعلق ایدن علمده (فقه) تسمیه
ایدیلور. صکره احکام شرعییه ادله دن استنباط ایدیه بیلک ایچون
اهل اجتهاد تأمل ایتدیلر و نتیجه تبعاتلری اولمق اوزره بر طاقم قضایا
وجوده کتیردیلر. و بونلره ده بعض مقدمات دخی اضافه ایدرک
جمله سنه بردن تعلق ایدن علمده (اصول فقه) تسمیه ایتدیلر.

بونی بر آز ده تفصیل ایدله : انسانلر باشی بوش و عبث یارادلاماشلردر.
اونلر حیوانات سائره کی مهمل دکلدرلر. بلکه انسانلرک هر فعلنه، هر عملنه
قبل شارعدن بر حکم وارد اولمشدر. فقط هر بر حکم، هر بر فعله کوره منصوص
و مصرح دکلدر. چونکه بتون جزئیات احکامی احاطه ایتک متعذر در.